

四庫全書

集部

欽定四庫全書

集部

唐詩品彙卷三十八

詳校官檢討臣德生

助教臣常循覆勘

總校官進士臣朱鈐

校對官編修臣勵守謙

謄錄監生臣薛夢陽

欽定四庫全書

唐詩品彙卷三十五

明 高棟 編

七言古詩十一

正變

下

韓愈

琴操十首

唐子西云琴操非古詩非騷詞惟退之為得體退之琴操柳子厚不

能作也

朱晦庵云愈博涉羣書所作十操奇辭與音如取諸室中物以其所涉博故能約而

為此也夫孔子於三百篇皆絃歌之操亦絃歌之辭也其取幽興眇怨而不言最近騷體古詩之行者至騷而行極故騷無操與詩賦同出而異名蓋行復于約者後之為騷惟約猶追之嚴滄浪云退之琴操極高古正是本色非唐賢所及

拘幽操

文王拘
美里作

目掩掩兮其凝其盲

劉云極形容之苦
不可謂非怨也

耳肅肅兮聽不

聞聲朝不見日出兮夜不見月與星有知無知兮為死

為生嗚呼臣罪當誅今天王醒明

程伊川曰道文王意
中事前後人道不到

此徐仲車云可謂知文王之用心矣凱風七子之母猶不能安其室而云母氏聖善我無令人重自責也

岐山操

周公為
太公作

我家于豳自我先公伊我承緒敢有不同今狄之人將
土我疆民為我戰誰使死傷彼岐有岨我往獨處人莫
予追無思我悲

越裳操

周公作

雨之施物以滋我何意于彼為自周之先其艱其勤以
有疆宇私我後人我祖在上四方在下厥臨孔威敢戲
以侮孰荒于門孰治于田四海既均越裳是臣

楊翟孫
氏云豈

有荒于門而能治于田者乎故
必四海既均而後越裳是臣也

將歸操

孔子之趙聞
殺竇鳴犢作

狄之水分其色幽幽

劉云詞意淺淺宜以調
適當然者自不可及

我將濟兮

不得其由涉其淺兮石齧我足乘其深兮龍入我舟我

濟而悔兮將安歸尤歸乎歸乎無與石鬪兮無應龍求

劉云舊讀本作歸

來歸來兮似是

猗蘭操

孔子傷不
逢時作

蘭之猗猗揚揚其香不採而佩于蘭何傷今天之旋其

曷為然我行四方以日以年雪霜貿貿薺麥之茂子如
不傷我不爾覲薺麥之茂薺麥之有君子之傷君子之

守

補註君子居可傷之時而不
易其所守亦猶薺麥之有也

龜山操

孔子以季桓子受齊女
樂諫不從望龜山而作

龜之氣兮不能雲雨龜之枿兮不中梁柱龜之大兮祇

以奄魯知將隳兮哀莫余伍周公有鬼兮嗟余歸輔

洪氏

云蓋言周公如有神

其使余歸輔其君也

履霜操

尹吉甫子無罪為後
母譖而見逐自傷作

父兮兒寒母兮兒饑兒罪當答逐兒何為兒在中野以宿以處四無人聲誰與兒語兒寒何衣兒饑何食兒行于野履霜以足母生衆兒有母憐之獨無母憐兒寧不

悲

劉云不怨非情也乃怨也此乃小弁之志歟只飢寒履霜反覆感切真可以泣鬼神矣此所以為琴操也

雉朝飛操

牧犢子七十無妻見雉雙飛感之而作

雉之飛于朝日羣雌孤雄意氣橫出當東而西當啄而

飛

劉云此其不可及處偏得別

隨飛隨啄羣雌粥粥嗟我雖人曾不

如彼雉雞生身七十年無一妾與妃

別鵲操

商陵穆子娶妻五年無子父母欲其改娶其妻聞之中夜悲嘯穆子感之而作

雄鵲銜枝來雌鵲啄泥歸巢成不生子大義當乘離江
漢水之大鵲身鳥之微更無相逢日安可相隨飛

殘形操

曾子夢見一狸不見其首作

有獸維狸兮我夢得之其身孔明兮而頭不知吉凶何
為兮覺坐而思巫咸上天兮識者其誰

劉云十操惟此最古意以其不

著迹也題本難賦此賦得體

馬厭穀

馬厭穀兮士不厭糠粃土被文繡兮士無短褐彼其得志不我虞一朝失志兮其何如已焉哉嗟嗟乎鄙夫

韓仲

韻云此詩未得志之辭也其三上光範書時作乎

汴州亂二首

汴州自大歷後多兵時軍司馬陸長源總留後事八日而軍亂

殺長源等以宋州刺史劉逸準使總後務朝廷從之二詩卒章各有諷

汴州城門朝不開天狗墜地聲如雷健兒爭誇殺留後連屋累棟燒成灰諸侯咫尺不能救孤士何者自興哀母從子走者為誰大夫夫人留後兒昨日乘車騎大馬

坐者起趨乘者下廟堂不肯用干戈嗚呼奈汝子母何

利劍

韓仲韶云此詩次汴州亂後不平之氣畧見于此

利劍光耿耿佩之使我無邪心故人念我寡徒侶持用
贈我比知音我心如冰劍如雪不能刺讒夫使我心腐
劍鋒折決雲中斷開青天噫劍與我俱變化歸黃泉

河之水二首寄子姪老成

河之水去悠悠我不如水東流我有孤姪在海陬三年
不見兮使我生憂日復日夜復夜三年不見汝使我鬢

髮未老而先化

河之水悠悠去我不如水東注我有孤姪在海浦三年
不見兮使我心苦採蕨于山緡魚于淵我徂京師不遠

其還

劉云此其
楚語也

東方未明

東方未明大星沒獨有太白配殘月嗟爾殘月勿相疑
同光共影須臾期殘月暉暉太白睽睽難三號更五點

雉帶箭

樊澤之云此詩佐張建封僕射于徐從獵而作也讀之其狀如在目前蓋寫物

之妙
者

原頭火燒靜兀兀野雉畏鷹出復沒將軍欲以巧伏人
盤馬彎弓惜不發地形漸窄觀者多雉驚弓滿勁箭加
衝人決起百餘尺紅翎白鏃相傾斜將軍仰笑軍吏賀
五色離披馬前墮

天星送楊凝郎中賀正

天星牢落雞喔咿僕夫起餐車載脂正當窮冬寒未已
請問君子行安之會朝元正無不至受命上宰須及期

侍從近臣有虛位公今此去何時歸

醉留東野

昔年因讀李白杜甫詩長恨二人不相從吾與東野生
並世如何復躡二子蹤東野不得官白首跨龍鍾韓子
稍姦黠自慙青蒿倚長松低頭拜東野願得終始如駟
騄駟音巨東野不迴頭有如寸莛莛音丁撞鉅鐘吾願身為
雲東野變為龍四方上下逐東野雖有別離無由逢

鳴鴈

嗷嗷鳴鴈鳴且飛窮秋南去春北歸去寒就暖識所依
天長地濶栖息稀風霜酸苦稻粱微羽毛摧落身不肥
裊徊反顧羣侶違哀鳴欲下洲渚非江南水濶朝雲多
草長沙軟無網羅閒飛靜集鳴相和違憂懷息性匪他
凌雲一舉君謂何

山石

山石犖确行逕微黃昏到寺蝙蝠飛升堂坐階新雨足
芭蕉葉大梔子肥僧言古壁佛畫好以火來照所見稀

鋪牀拂席置羹飯疎糲亦足飽我飢夜深靜卧百蟲絕
清月出嶺光入扉天明獨去無道路出入高下窮煙扉
山紅澗碧紛爛漫時見松樾皆十圍當流赤足蹋澗石
水聲激激風生衣人生如此自可樂豈必局束為人轡

嗟哉吾黨二三子安得至老不更歸

樊澤之云蘇內翰
嘗與客遊南谿醉

後相與解衣濯足因詠公此篇慨然知其
所以樂而忘者在數百年之外因次其韻

聽穎師彈琴

昵昵兒女語恩怨相爾汝劃然變軒昂勇士赴敵場浮

雲柳絮無根蒂天地濶遠隨飛揚喧啾百鳥羣忽見孤
鳳凰躡攀分寸不可上失勢一落千丈強嗟余有兩耳
未省聽絲簧自聞穎師彈起坐在一牀推手遽止之濕
衣淚滂滂穎乎爾誠能無以冰炭置我腸

西清詩話云
六一居士嘗

問東坡琴詩孰優坡荅以退之聽穎師琴公曰此祇是
琵琶耳吳僧義海以琴名世或以六一語問海海曰歐
公一代英偉然斯言誤矣昵昵兒女語恩怨相爾汝言
輕柔細屑真情出見也劃然變軒昂勇士赴敵場精神
愈謹脊觀聽也浮雲柳絮無根蒂天地濶遠隨飛揚縱橫
變態浩乎不失自然也喧秋百鳥羣忽見孤鳳凰又見穎
絕不同流俗下俚聲也躡攀分寸不可上失勢一落千丈
強起伏抑揚不主故常也皆指下絲聲妙處惟琴為然

合少日人
卷三十五
琶格上聲烏能兩耶退之
深得其趣未易譏評也

柳州羅池廟詩

荔子丹兮蕉黃雜肴蔬兮進侯堂侯之船兮兩旗度中
流兮風泊之待侯不來兮不知我悲侯乘駒兮入廟慰
我民兮不嘖以笑鵠之山兮柳之水桂樹團團兮白石
齒齒侯朝出遊兮暮來歸春與猿吟兮秋鶴與飛北方
之人兮為侯是非千秋萬歲兮侯無我違福我兮壽我
驅厲鬼兮山之左下無苦濕兮高無乾杭稭充羨兮蛇

蛟結蟠我民報祀兮無忘其始自今兮欽于世世

豐陵行

羽衛煌煌壹百里曉出都門葬天子羣臣雜沓馳後先
宮官穰穰來不已是時新秋七月初金神按節炎氣除
清風飄飄輕雨灑偃蹇旂旒卷以舒逾梁下坂笳鼓咽
嚙嶂遂走玄宮閭哭聲旬天百鳥噪幽坎晝閉空靈輿
皇帝孝心深且遠資送禮備無贏餘設官置衛鎖嬪妓
供養朝夕象平居臣聞神道尚清淨三代舊制存諸書

墓藏廟祭不可亂欲言非職知何如

韓仲韶云順宗以元和元年七月葬

豐陵公時方自江陵召入為博士而作此詩終篇言三代舊制存諸書必當時之禮有不合于古者故云

劉生詩

生名師命其姓劉自少軒輊非常儔棄家如遺來遠遊

東走梁宋暨揚州遂凌大江極東瓠洪濤春天禹穴幽

越女一笑三年留南逾橫嶺入炎州

或作洲

青鯨高磨波

山浮怪魅炫曜堆蛟虬山慘譴噪猩猩愁毒氣爍體黃

膏流問胡不歸良有由美酒傾水盃肥牛妖歌慢舞欄

不收倒心迴腸為青眸千金邀顧不可酬乃獨遇之盡
綢繆瞥然一餉成千秋昔鬚未生今白頭五管歷遍無
賢侯回望萬里還家羞陽山窮邑惟猿猴手持釣竿遠
相投我為羅列陳前修艾蒿斬蓬利鋤耨天星回環數
纔周文學穰穰困倉稠車輕御良馬力優吐哉識路行

勿休往取將相酬恩讐

韓曰劉生在越意有所春故詩
中云越女一笑三年留下又云

問胡不歸良有由繼以妖歌慢舞與知生所寓皆不羈
也故終篇有吐哉識路行勿休往取將相酬恩讐盖有
且諷且勸之意王得臣塵史云古人恩怨必報後世
不然報恩畧而報怨詳退之云往取將相酬恩讐者得

時得位無
不如心

嗟哉董生行

淮水出桐栢山東馳遙遙千里不能休淝水出其側不

能千里

洪邁曰不能千里者以興董生
居下具可以施于人者不遐也

百里入淮流壽

州屬縣有安豐唐貞元年時縣人董生名南隱居行義

于其中刺史不能薦天子不聞名聲爵祿不及門門外

唯有吏日來徵租更索錢嗟哉董生朝出耕夜歸讀古

人書盡日不得息或山而樵或水而漁入厨具甘旨上

堂間起居父母不憾憾妻子不咨咨嗟哉董生孝且慈
人不識惟有天翁知生祥下瑞無時期家有狗乳出求
食雞來哺其兒啄啄庭中拾蟲蟻哺之不食鳴聲悲傍
徨躑躅久不去以翼來覆待狗歸嗟哉董生誰將與
儔時之人夫妻相虐兄弟為讐食君之祿而令父母愁
亦獨何心嗟哉董生誰將與儔

一作無
與儔

桃源圖

神仙有無何渺茫桃源之說誠荒唐流水盤迴山百轉

生綃數幅垂中堂武陵太守好事者題封遠寄南宮下
南宮先生忻得之波濤入筆驅文辭文工畫妙各臻極
異境恍惚移於斯架巖鑿谷開宮室接屋連牆千萬日
羸顛劉蹶了不聞地拆天分非所恤種桃處處惟開花
川原遠近蒸紅霞初來猶自念鄉邑歲久此地還成家
漁舟之子來何所物色相猜更問語大蛇中斷喪前王
羣馬南渡開新主聽終辭絕共悽然自說經今六百年
當時萬事皆眼見不知幾許猶流傳爭持酒食來相饋

禮數不同罇俎異月明伴宿玉堂空骨冷魂清無夢寐
夜半金雞啁哳鳴火輪飛出客心驚人間有累不可住
依然離別難為情船開棹進一回顧萬里蒼蒼烟水暮
世俗寧知偽與真至今傳者武陵人

石鼓歌

張生手持石鼓文勸我試作石鼓歌少陵無人謫仙死
才薄將奈石鼓何周綱陵遲四海沸宣王憤起揮天戈
大開明堂受朝賀諸侯劍珮鳴相磨蒐于岐陽騁雄俊

萬里禽獸皆遮羅鐫功勒成告萬世鑿石作鼓墮嵯峨
從臣才藝咸第一揀選謨刻留山阿雨淋日炙野火燒
鬼物守護煩撓訶公從何處得紙本毫髮盡備無差訛
辭嚴義密讀難曉字體不類隸與蝌年深豈免有缺劃
快劍斫斷生蛟鼉鸞鵠鳳翥衆仙下珊瑚碧樹交枝
柯金繩鐵索鎖紐壯古鼎躍水龍騰梭陋儒編詩不收
入二雅褊迫無委蛇孔子西行不到秦倚撫星宿遺義
娥嗟余好古生苦晚對此涕淚雙滂沱憶昔初蒙博士

徵其年始改稱元和故人從軍在右輔為我量度拙白
科濯冠沐浴告祭酒如此至寶存豈多璫包席裏可立
致十鼓祇載數駱駝薦諸太廟止郛鼎光價豈止百倍
過聖恩若許留太學諸生講解得切磋觀經鴻都尚填
咽坐見舉國來奔波剗苔剔蘚露節角安置妥帖平不
頗大厦深簷與蓋覆經歷久遠期無他中朝大夫老于
事詎肯感激徒姍姍牧童敲火牛礪角誰復着手為摩
挲日銷月爍就埋沒六年西顧空吟哦義之俗書趣姿

媚數紙尚可博白鴛繼周八代爭戰罷無人收拾理則
那方今太平日無事柄用儒術崇丘軻安能以此上論
列願借辨口如懸河石鼓之歌止於此嗚呼吾意其蹉

跎

筆墨閒錄云此歌全仰止
杜子美李潮八分小篆歌

李賀

鴈門太守行

幽閒歌次云賀以歌詩謁韓文公
時公送客歸極困解帶讀之首篇

乃鴈門太守行

即束帶見之

黑雲壓城城欲摧甲光向日金鱗開角聲滿天秋色裏

劉云有此
奇語自暢

塞上胭脂凝夜紫半卷紅旗臨易水

劉云此
等景不

可無霜重鼓寒聲不起報君黃金臺上意提攜玉龍為君

死劉云起語奇賦鴈門著紫字本撤後三語無甚
生氣設為死敵之意偏欲如此頗似敗後之作

湘妃

筠竹千年老不死長伴秦娥蓋湘水蠻娘吟弄滿寒空

九山靜綠淚花紅

劉云拈
出自別

離鸞別鳳煙梧中坐雲蜀雨

遙相通幽愁秋氣上青楓涼夜波間吟古龍

崑崙使者

崑崙使者無消息茂陵煙樹生愁色金盤玉露自淋漓

元氣茫茫收不得

劉云甚有風刺

麒麟背上石文裂虬龍鱗下

紅髯折何處偏傷萬國心中天夜久高明月

劉云古意好此其深

悲茂陵者

貴生征行樂

奚騎黃銅連鎖甲羅旗香幹金畫葉中軍留醉河陽城

嬌嘶紫燕踏花行春營騎將如紅玉走馬捎鞭上空綠

女垣素月角咿咿牙帳未開分錦衣

劉云索意至此習氣盡見此人

間常事猥態

何以能言

夜坐吟

踏踏馬蹄誰見過眼看北斗直天河西風羅幙生翠波

鉛華笑妾頻青娥為君起唱長相思簾外嚴霜皆倒飛

劉云
奇語

明星爛爛東方陸紅霞稍出東南涯陸郎去矣乘

班騅

艾如張

艾音又
如音而

錦襜褕繡襦強飲啄爾雛隴東臥穠蒲風雨莫信

龍媒隴西去齊人織網如素空張在野田平碧中網絲
漠漠無形影誤爾觸之傷首紅艾葉綠花誰剪刻中藏
禍機不可測

劉云似古詩乃不
覺其垂花挿鬢者

牡丹種曲

此必古
曲名

蓮枝未長秦蘅老走馬駝金鬪春草水灌香泥却月盆
一夜綠房迎白曉美人醉語園中煙晚華已散蝶又闌
梁王老去羅衣在拂袖風吹蜀國絃歸抱霞帔蜀帳昏
媽紅落粉罷承恩檀郎謝女眠何處樓臺月明燕夜語

劉云又
較自在

天上謠

天河夜轉漂回星銀浦流雲學水聲

劉云渾渾語奇又云天河銀浦似重

復長吉此類亦多要為踈雋不問此耳選詩中多有此例

玉宮桂樹花未落仙妾採

香垂珮纓秦妃卷簾北牕曉牕前植桐青鳳小王子吹

笙鶯管長呼龍畊煙種瑤草粉霞紅綬藕絲裙青洲步

拾蘭茗春東指羲和能走馬海塵新生石山下

致酒行

零落栖遲一杯酒主人奉觴客長壽主父西遊困不歸
家人折斷門前柳吾聞馬周昔作新豐客天荒地老無
人識空將箋上兩行書直犯龍顏請恩澤我有迷魂招
不得

劉云又入夢境

雄鳴一聲天下白少年心事當拏雲誰念

幽寒坐鳴呃

劉云起得浩蕩感激言外不可知真不
得不遷之酒者末轉慷慨令人起舞

浩歌

南風吹山作平地帝遣天吳移海水王母桃花千遍紅
彭祖巫咸幾回死青毛驄馬參差錢嬌春楊柳含細煙

箏人勸我金屈卮神血未凝身問誰不須浪飲丁都護

劉云李白有丁都護歌云一唱都護歌心摧淚如雨

世上英雄本無主

劉云跌蕩愁人傑特

名買絲繡作平原君有酒唯澆趙州土漏催水咽玉蟾

蛛衛娘髮薄不勝梳

劉云亦不知何從至此

看見秋眉換新綠二

十男兒那刺促

劉云從南風起一句便不可及跌蕩宛轉沈着痛快豪俠少年之度忽顧美人

情境俱至妙

處不必可解

公莫舞

並序

公莫舞者詠項伯翼蔽沛公也會中壯士灼灼於

入故無復書且南北樂府率有歌引賀陋諸家今
重作公莫舞歌云

方花古礎排九楹刺豹淋血盛銀鬕華筵鼓吹無桐竹
長刀直立割鳴箏橫楣簾錦生紅緯日炙錦媽王未醉

劉云從容模倣有情最妙腰下三看寶玦光項莊掉箭欄前起材官

小臣公莫舞座上真人赤龍子芒碭雲瑞抱天迴咸陽
王氣清如水鐵樞鐵健重東關大旗五丈撞雙鑼漢王
今日頒秦印絕臚剗腸臣不論

劉云不必其有事幽與鬼謀才子賦古但如目

前至三看寶玦始喻本末自不待言抱天語
奇俊俯仰甚稱事情復作項伯口語尤壯

金銅仙人辭漢歌

并序

魏明帝青龍元年八月詔宮官牽車西取孝武捧
露盤仙人欲立置前殿宮官既折盤仙人臨載乃
潛然淚下唐諸王孫李長吉遂作金銅仙人辭漢

歌

茂陵劉郎秋風客夜聞馬嘶曉無迹畫欄桂樹懸秋香
三十六宮土花碧魏官牽車指千里東關酸風射眸子

空將漢月出宮門憶君清淚如鉛水哀蘭送君咸陽道
天若有情天亦老攜盤獨出月荒涼渭城已遠波聲小
杜牧之云此篇求取情狀絕去筆墨畦逕劉云此意思
非長吉不能賦古今無此神妙神凝意點不覺銅仙
能言奇事奇語不在言讀至三十六宮土花碧銅人
墮淚已信末後三句可為斷腸後來作者無此沈著亦
不忍極言其妙

李憑箏篋引

吳絲蜀桐張高秋空山凝雲頽不流江娥啼竹素女愁
李憑中國彈箏篋昆山玉碎鳳凰叫芙蓉泣露香蘭咲

十二門前融冷光二十三絃動紫皇女媧鍊石補天處

石破天驚逗秋雨夢入神山教神嫗老魚跳波瘦蛟舞

劉云其形容偏得意於此而于瑩篋為近吳質不眠倚桂樹露脚斜飛濕寒

兔劉云狀景如畫自其所長瑩篋聲碎有之昆山玉頗無謂下七字妙語非玉簫不足以當石破天驚過于

繞梁過雲之上矣至神嫗忽入鬼語吳質懶態月露無情

夢天

老兔寒蟾泣天色雲樓半開壁斜白玉輪軋露濕圓光

鸞珮相逢桂香陌黃塵清水三山下

劉云即桑田本語

更變千

年如走馬遥望齊州九點煙一泓海水杯中瀉

劉云意近語超

其為仙人語亦不甚費力使盡如起語當自笑耳

秋來

桐風驚心壯士苦衰燈絡緯啼寒素誰看青簡一編書

不遣花蟲粉空蠹思牽今夜腸應直雨冷香魂弔書客

秋墳鬼唱鮑家詩恨血千年土中碧

劉云非長吉自挽耶

官街鼓

唐書馬周傳云先是京師晨昏傳呼警衆後置鼓伐之呼警鼓周所奏也

曉聲隆隆催轉日暮聲隆隆呼月出漢城黃柳映新簾

栢陵飛燕埋香骨，碣發千年日長白。
孝武秦王聽不得，從君翠髮蘆花色。
獨立南山守中國，幾回天上葬神仙。
漏聲相將無斷絕。

劉云神奇至于仙極矣獨屢言仙死不怪之怪乃大怪也

梁臺古愁

梁王臺沼空中立，天河之水夜飛入。
臺前闕玉作蛟龍，綠粉掃天愁露濕。
撞鐘飲酒行射天，金虎蹴裘噴血斑。
朝朝暮暮愁海翻，長繩繫日樂當年。
芙蓉凝紅得秋色，蘭臉別春啼脉脉。
蘆洲客鴈報春來，寥落野篁秋漫白。

勉愛行送小季之廬山

別柳當馬頭官槐如兔目欲將千里別持此易斗粟

劉云

非深愛不能道此兄弟情

南雲北雲空脉斷靈臺經絡懸春線青軒

樹轉月滿牀下國飢兒夢中見

劉云苦哉

維爾之昆二十餘

年來持鏡頗有鬚辭家三載今如此索米王門一事無

荒溝古水光如刀庭南拱柳生蟻螯江干幼客真可念

郊原晚吹悲號號

劉云語自不同讀亦心嘔

宮娃歌

此篇迷宮女怨曠欲去之意

蠟光高懸照紗空花房夜擣紅守宮象口吹香氎氎煖
七星挂城聞漏板寒入呆思殿影昏綵鸞簾額着霜
痕啼蛄弔月鈎闌下屈一作屋膝銅鋪鎖阿甄劉云兩語極是憔悴
夢入家門上沙渚天河落處長洲路願君光明如太陽
放妾騎魚撇波去劉云意到語盡無復餘怨麗語猶可及深情難自道

春坊正字劍子歌

先輩匣中三尺水曾入吳潭斬龍子
隙月斜明刮露寒
練帶平鋪吹不起
鮫胎皮老蒺藜刺
鷗鶻淬花白鷗尾

直是荆軻一片心莫教照見春坊字
綏絲團金懸麗最神光欲截蓋田玉
提出西方白帝驚嗷嗷鬼母秋郊哭
劉云雖筆畫點綴簇密而縱橫用意甚麗
劍身劍室紋理刻字束帶色雖無一疊
犯乃不妨句意春容俯仰秋郊語甚奇
不厭再言

送沈亞之歌 并序

文人沈亞之元和七年以書不中第返歸于吳江
吾悲其行無錢酒以勞又感沈之勤請乃歌一辭
以勞之

吳興才人怨春風桃花滿陌千里紅紫絲竹斷驄馬小
家住錢塘東復東白藤交穿織書笈短策齊栽如梵夾
雄光寶礦獻春卿煙底薦波乘一葉春卿拾材白日下
擲置黃金解龍馬攜笈歸江重入門勞勞誰是憐君者
吾聞壯夫重心骨古人三走無摧挫請君待旦事長鞭
他日還轅及秋律

美人梳頭歌

西施曉夢綃帳寒香鬟墮髻半沈檀轆轤呀啞轉鳴玉

驚起芙蓉睡新足雙鸞開鏡秋水光解鬟臨鏡立象牀
一編香絲雲散地玉釵落處無聲膩纖手却盤老鴉色
翠滑寶釵簪不得春風爛漫惱嬌慵十八鬟多無氣力
粧成髮髻欹不斜雲裾數步踏鴈沙背人不語向何處
下階自折櫻桃花

劉云如書如畫有情無語更自可憐

秦宮詩

并序

漢秦宮將軍梁冀之嬖奴也秦宮得寵內舍故以
驕名大噪於人予撫舊而作長辭以馮子都之事

相為對望人云昔有之詩

越羅衫袂迎春風玉刻麒麟腰帶紅樓頭曲燕仙人語
帳底吹笙香霧濃人間酒暖春茫茫花枝入簾白日長
飛牕複道傳籌飲午夜銅盤膩燭黃禿衿小袖調鸚鵡
紫繡麻靴踏哮虎砍桂銷金待曉筵白鹿青酥半夜煮
桐英永巷騎新馬內屋深屏生色畫開門爛用水衡錢
卷起黃河向身瀉皇天厄運猶曾裂泰宮一生花底活
驚篋奪得不還人

劉云亦是妙思

醉睡甍鼯滿堂月

劉云鈞深索隱如夢

欽定四庫全書

唐詩品彙
卷三十五

如畫 又云極言梁氏連夜盛燕而秦宮得志可見至
調鸚鵡半夜煮無不可道故知作者妙于形容末更奴
態人不能盡喻賦秦宮似秦宮何多才也 珊瑚鈞詩
話云篇章以含蓄天成平夷恬淡為上破碎雕鏤怪險
蹶趨為下如李長吉錦囊句非曰不奇也
而斗鬼蛇神太甚所謂施諸廟堂則駭矣

唐詩品彙卷三十五

欽定四庫全書

唐詩品彙卷三十六

明 高棅 編

七言古詩十二

餘響

武元衡

長相思

長相思
隴雲愁
單于臺上望
伊州鴈書絕
蟬鬢秋行人

山北畔暮雨海西頭殷勤大河水東注不還流

楊巨源

烏啼曲贈張評事

可憐楊葉復楊花雪淨烟深碧玉家烏栖不定枝條弱
城頭夜半聲啞啞浮萍流蕩門前水任冒芙蓉莫墮沙

大隄詞

二八嬋娟大隄女開壚相對依江渚待客登樓向水看
邀郎卷幔臨花語細雨濛濛濕芰荷巴東商旅駐帆多

自傳芳酒翻紅袖誰調妍粧回翠蛾珍簾華燈夕陽後
當壚理瑟矜纖手月落星微五鼓聲春風搖蕩牕前柳
歲歲逢迎沙岸間背人多整綠雲鬟無端嫁與五陵少
離別煙波傷玉顏

權德輿

古樂府

光風澹蕩百花吐樓上朝朝學歌舞身年二八媚侍中
幼妹承恩兄尚主綠牕珠箔繡鴛鴦侍婢先焚百和香

鶯啼日出不知曙寂寂羅幃春夢長

放歌行

夕陽不駐東流急榮名貴在當年立青春虛度無所成
白首銜悲何所極拂衣西笑出東山君臣道合俄頃間
一言一笑玉墀上變化生涯如等閒朱門杳杳列華戟
坐中皆是王侯客鳴環動珮暗珊珊駿馬花驄白玉鞍
十年斗酒不知貴半醉留賓邀盡歡銀燭煌煌夜將久
侍婢金罍瀉春酒春酒盛來琥珀光暗聞蘭麝幾般香

乍看皓腕映羅袖微聽清歌發杏梁雙鬢美人君不見
一一皆勝趙飛燕迎杯乍舉石榴裙勻粉時交合歡扇
未央鐘漏醉中間聯騎朝天曙色分雙闕煙雲遙靄靄
五衢車馬亂紛紛罷朝鳴珮驟歸鞍今日還同昨日歡
歲歲年年恣遊讌出門滿路光輝遍一身自樂何足言
九族為榮真可羨男兒稱意須及時閉門下帷人不知
年光看逐轉蓬盡徒詠東山招隱詩

和李中丞慈恩寺清上人院牡丹花歌

淡蕩韶光三月中牡丹偏自占春風時過寶地尋香徑
已見新花出故叢曲水亭西杏園北濃芳深院紅霞色
擢秀金勝珠樹林結根幸在青蓮域艷藥仙房次第開
含煙洗露照蒼苔龐眉倚杖禪僧起輕翅縈枝舞蝶來
獨坐南臺時共美閒行古剎情何已花間一曲奏陽春
應為芬芳比君子

秋閨月

三五二八光如練海上天涯人共見不知何處玉樓前

乍入深閨玳瑁筵露濃香逕知愁處風動羅帷照獨眠
初卷珠簾看不足斜抱瑩篴未成曲稍應粧臺臨綺牕
遙知不語淚雙雙此時愁望知何極萬里秋天同一色
靄靄遙分陌上光迢迢對此閨中憶早晚歸來歡讌同
可憐歌吹月明中此夜不堪腸斷絕願隨流影到遼東

劉禹錫

西清詩話云劉夢得詩法則既高滋
味亦厚但正若巧匠矜能不見少拙

平蔡州

汝南晨雞喔喔鳴城頭鼓角音和平路傍老人憶舊事

相與感激皆淚零老人收淚前致詞官軍入城人不知
忽驚元和十二載重見天寶承平時

龍陽縣歌

縣門白日無塵土百姓縣前挽魚罟主人引客登大堤
小兒縱觀黃犬怒鷓鴣驚鳴遶籬落橘柚垂芳映牕戶
沙平草綠見吏稀寂歷斜陽照懸鼓

武昌老人說笛歌

武昌老人七十餘手把庾令相問書自言年少學吹笛

早事曹王曾賞激往年征鎮戍
蘄州楚山蕭蕭笛竹秋
當時買材恣搜索典却身上烏貂裘
古苔蒼蒼封老節
石上孤生飽風雪商聲五音隨指發
水中龍應行雲絕
曾將黃鶴樓上吹一聲占盡秋江月
如今老去興猶遲
音韻高低耳不知氣力已微心尚在
時時一曲夢中吹

送鴻舉遊江南

禪客學禪兼學文
出山初似無心雲
從風舒卷來何處
繚繞巴江不得去
山州古寺好閒居
讀盡龍王宮裏書

使君灘頭揀石硯白帝城邊尋野蔬忽然登高心瞥起
又欲浮杯信流水煙波浩淼魚鳥情東去三千三百里
荆門硤斷無盤渦湘平漢濶清光多廬山霧開見瀑布
曲江月淨聞漁歌鍾陵八郡多名守半是西方社中友
與師相見便談空想得高齋獅子吼

送僧仲制東遊兼寄呈靈澈上人

釋子道成神氣閒住持曾上清涼山晴空禮拜見真像
金毛玉髻卿雲間西遊長安隸僧籍本寺門前曲江碧

松間白月照寶書竹下香泉灑瑶席前時學得經綸成

奔馳象馬開禪扃高筵談柄一麾拂講下門徒如醉醒

舊聞南方多禪老

一作長老

次第來入荆門道荆州本自重

諸天

集作彌天

南朝塔廟猶依然宴坐東陽枯樹下經行居

止故臺邊忽憶遺民社中客為我衡陽駐飛錫講罷同

尋相鶴經閒來共蠟登山屐一旦揚眉望沃洲自言王

謝許同遊憑將雜擬三十首寄與江南湯慧休

觀碁歌送還師西遊

長沙男子東林師閒讀藝經工奕碁有時凝思如入定
暗覆一局誰能知今年訪余來小桂方袍袖中貯新勢
山城無事秋日長白晝懵懵眠匡牀因君臨局看鬪智
不覺遲景沉西墻自從仙人遇樵子直到開元王長史
前身後身付餘習百變千化無窮已初疑磊落曙天星
次見搏擊三秋兵鴈行布陣衆未曉虎穴得子人皆驚
行盡三湘不逢敵終日饒人損幾格自言臺閣有知音
悠然遠起西遊心商山夏木陰寂寂好處徘徊駐飛錫

忽思爭道畫平沙獨笑無言心有適藹藹京城在九天
貴遊豪士足華筵此時一行出人意賭取聲名不要錢
茗溪胡仔漁隱叢話云劉夢得觀碁歌云初疑磊落曙
天星次見搏擊三秋兵鴈行布陣衆未曉虎穴得子人
皆驚余嘗愛此數語能摸寫奕
棋之趣夢得必高于手談也

李涉

牧童詞

朝牧牛牧牛下江曲夜牧牛牧牛村口谷荷笠出林春
雨細蘆管卧吹沙草綠亂插蓬蒿箭滿腰不怕猛虎

欺黃犢

淮陽行

黃昏日暮驅羸馬
夜宿淮陽烽火下
此地新經殺戮來
墟落無煙空碎瓦
層冰塞斷隋朝水
一道銀河貫千里
愁心翻覆夢難成
病僕呻吟呼不起
泗水三千招義軍
本自征戰邀殊勲
十年麾下畜壯志
一旦此地為愁雲
昨日太陽回照燭
轉見天心重含育
早晚東風得發生
古堤春草年年綠

六數井序

五噫四愁九歌七啟皆創文者立意之終絕其數而
名之也清江白雲孤山遠嶼皆得時之人吟咏性
情耳余無暇于是焉窮居歲陰偶懷無怵因追感
聞見成文六篇目曰六歎懼質文之不備復何全
於此興乎錄之私齋以示同道格韻枯缺多慙見
知

深院梧桐夾金井上有轆轤青絲索美人清晝汲寒泉

寒泉欲上銀瓶落迢迢碧甃千餘尺竟日倚闌空歎息
惆悵不來照明鏡却掩洞房花寂寂

綺幙香風翡翠車清明獨傍芙蓉渠上有雲鬟洞仙女
垂羅掩縠烟中語風月頻驚桃李時滄波久別鴛鴦侶
欲傳一札孤飛翼山長水遠無消息却鎖重門一院深
半夜空庭明月色

漢臣一沒丁零塞牧牛西過陰沙外朝憑南鴈信難回
夜望北辰心獨在漢家茆土橫九州高門長戟封王侯

但將鐘鼓悅私愛肯以大戎為國羞
夜夜寒雲卧冰雪
嚴風獨刃懸旌節
丁年奉使白頭歸
泣盡李陵衣上血

柳宗元

楊白花

樂府解題云魏楊白華容貌瓌偉胡太后逼幸之白華懼禍奔梁太后追思不

已為作楊白花歌使宮人晝夜連臂蹋地歌之其聲甚悽斷

楊白花風吹渡江水坐令宮樹無顏色
搖蕩春光千萬

里茫茫曉日下長秋哀歌未斷城鴉起

許彥周詩話云子厚樂府楊白

花言妓而情深古今絕唱也劉云語調適與事情俱美其餘音香香可以泣鬼神者惜不令連臂者歌之

古東門行

韓仲韶云此詩諷當時
盜殺武元衛事而作也

漢家三十六將軍東風雷動橫陣雲雞鳴函谷客如霧
貌同心異不可數赤丸夜語飛電光徼巡司隸眠如羊
當街一叱百吏走馮敬胸中函匕首兇徒側耳潛懷心
悍臣破膽皆杜口魏王卧內藏兵符子西掩袂真無辜
羌胡轂下一朝起敵國舟中非所擬安陵誰辨削礪功
韓國詎明深井里絕腹斷骨那可補萬金寵贈不如土

漁翁

漁翁夜傍西巖宿曉汲清湘然楚竹煙銷日出不見人
欸乃一聲山水綠迴看天際下中流巖上無心雲相逐
蘇東坡云詩以奇趣為宗反常合道為趣熟味此詩有
奇趣然其尾兩句雖不必亦可 劉云或謂蘇評為當
非知言者此詩氣渾不類晚
唐正在後兩句非蛇安足者

盧仝

直釣吟

初歲學釣魚自謂魚易得三十持釣竿一魚釣不得人
釣曲我釣直哀哉我釣又無食文王既沒不復生直釣

之道何時行

有所思

當時我醉美人家
美人顏色嫩如花
今日美人棄我去
青樓珠箔天之涯
娟娟嫦娥月三五
二八盈又缺
翠睂蟬鬢生別離
一望不見心斷絕
心斷絕幾千里
夢中醉卧巫山雲
覺來淚滴湘江水
湘江兩岸花木深
美人不見愁人心
含愁更奏綠綺琴
調高絃絕無知音
美人兮美人不知為
莫雨兮為朝雲
相思一夜梅花發
忽到牕

前疑是君

雪浪齋日記云玉川子詩讀者易解識者當自知之惟此一篇語似不類疑他人所作然

飄逸可喜

劉云奇怪

濃麗而不妖是之謂暢

樓上女兒曲

誰家女兒樓上頭指揮婢子挂簾鉤
林花撩亂心之愁
卷却羅袖彈箜篌
箜篌歷亂五六絃
羅袖掩面啼向天

相思向天情不斷
落花紛紛心欲穿
心欲穿憑闌干相

憶柳條綠相思錦帳寒

劉云有體

直緣感君恩愛一回顧使

我雙淚長潛潛

劉云涵涵然如絃語怨徹不復自惜

我有嬌靨待君笑我

有嬌蛾待君掃鶯花爛漫君不來及至君來花已老心
腸寸斷誰得知玉階暮塵生青草

劉云野情閑思曠似
謫仙欲二首如此不

得可

孟郊

望遠曲

朝朝候歸信日日登高臺行人未去植庭樹別來三見
庭花開庭花開盡復幾時春光駘蕩阻佳期愁來望遠
煙庭隔空憐綠鬢風吹白何當歸見遠行客

出門行二首

長河悠悠去無極百齡同此可歎息
秋風白露沾人衣
壯心凋落舊顏色少年出門將訴誰
川無梁兮路無岐
一聞陌上苦寒奏使我佇立驚且悲
君今得意厭梁肉
豈復念我貧賤時

海風蕭蕭天雨霜窮愁獨坐夜何長
驅車舊憶太行險
始知遊子悲故鄉美人相思隔天闕
長望雲端不可越
手持琅玕欲有贈愛而不見心斷絕
南山峩峩白石爛

碧海之波浩漫漫參辰出沒不相待我欲橫天無羽翰

元稹

田家詞

牛吒吒

許角切

田确确旱塊敲牛蹄趵趵

音剝

種得官倉珠

顆穀六十年來兵簇簇月月倉糧車轆轤一日官軍收

海服驅牛駕車食牛肉歸來收得牛兩角重鑄鋤犁作

斤斲姑畚婦擔輸捉捉輸官不足歸賣屋農死有兒牛

有犢不遣官軍糧不足

白居易

西清詩話云樂天詩自擅天然貴在近俗恨如蘇小雖美終帶風塵耳

勸我酒

勸我酒我不辭請君歌歌莫遲歌聲長辭亦切此辭聽者堪愁絕洛陽女兒面似花河南大尹頭如雪

長安道

花枝缺處青樓開艷歌一曲酒一杯美人勸我急行樂自古朱顏不再來君不見外州客長安道一回來一回老

生別離

黃河水白黃雲秋行人河邊相對愁
天寒野曠何處宿
棠梨葉戰風颼颼生離別生離別
憂從中來無斷絕憂
積心勞血氣衰
末年三十生白髮

醉題沈子明壁

不愛君家十叢菊
不愛君家萬竿竹
愛君簾下唱歌人
色如芙蓉聲如玉
我有陽關君未聞
若聞亦應愁殺君

寒食詩

烏啼鵲噪昏喬木清明寒食誰家哭風吹曠野紙錢飛
古墓纍纍春草綠棠梨花映白楊樹盡是死生離別處
冥漠重泉哭不聞蕭蕭暮雨人歸去

東坡云余與郭生
遊南溪主簿吳亮

置酒郭生善歌酒酣發聲座為淒然郭生言恨無佳辭
因改樂天寒食詩歌之每句雜以散聲坐客有泣者

江南遇天寶樂叟歌

白頭病叟泣且言祿山未亂入梨園能彈琵琶和法曲
多在華清隨至尊是時天下太平久年年十月坐朝元
千官起居環珮合萬國會同車馬奔金鈿照耀石甕寺

蘭麝薰煮溫湯源貴妃宛轉侍君側體弱不勝珠翠繁
冬雪飄飄錦袍煖春風蕩漾霓裳翻歡娛未足燕冠至
弓勁馬肥胡語喧幽土人遷避夷狄鼎湖龍去哭軒轅
從此漂淪到南土萬人死盡一身存秋風江上浪無際
暮雨舟中酒一樽涸魚久失風波勢枯草曾沾雨露恩
我自秦來君莫問驪山渭水如荒村新豐樹老籠明月
長生殿暗鎖黃昏紅葉紛紛葢歌瓦綠苔重重封壞垣
唯有中官作宮使每年寒食一開門

施肩吾

效古體

黃金無舊釵，綳綺無舊裾。唯有一寸心，長貯萬里夫。
南軒夜蟲織，已促北牖飛。蜨遶殘燭祇言衆，口饒千金誰。
信獨愁銷片玉，不知歲晚歸不歸。又將淚眼縫征衣。

溫庭筠

春曉曲

家臨長信往來道，乳燕雙雙掠烟草。油壁車輕金犢肥。

欽定四庫全書

卷三十六

流蘇帳曉春雞早籠中嬌鳥暖猶睡簾外落花閒不掃
衰桃一樹近前池似惜紅顏鏡中老

漁隱云殊有
富貴佳致也

蓮浦謠

鳴橈軋軋谿溶溶廢綠平煙吳苑東水清蓮媚兩相向
鏡裏見愁愁更紅白馬金鞭大堤上西江日日多風浪
荷心有露似驪珠不是真圓亦搖蕩

常林歡

江南人謂情人為歡故荊州有
長林縣蓋樂人誤以長為常也

宣城

在荊
州北

酒熟花覆橋沙晴暖鴨鳴咬咬穠桑繞舍麥

如尾幽軋鳴機雙燕巢馬聲特特荆門道蠻水揚光色
如草錦薦金壚夢正長東家咿喔雞鳴早

堂堂曲

錢塘岸上春如織
淼淼寒泉帶晴色
淮南遊客馬連嘶
碧草迷人歸不得
風飄客意如吹烟
纖指殷勤傷鴈絃
一曲堂堂紅燭筵
金鯨瀉酒如飛泉

塞寒行

燕弓弦勁霜封瓦
撲簌寒鵬睇平野
一點黃塵起鴈喧

白龍堆下千蹄馬河源怒觸風如刀剪斷朔雲天更高
晚出榆關逐塞北驚沙飛近衝貂袍心許淩煙名不滅
年年錦字傷離別彩毫一畫竟何榮空使青樓淚成血
茗溪詩話云自齊梁諸公下至溫飛卿輩往往以綺
麗風花累其正氣其過在于理不勝而詞有餘也

李商隱

代贈

楊柳路盡處芙蓉湖上頭雖同錦步障獨映鈿瑩篋
鴛鴦可羨頭俱白飛去飛來煙雨秋

杜牧

重送孟遲作

手撚金僕姑腰間懸轆轤爬頭風北正好去係取可汗
鉗作奴六宮雖念相如賦其那防邊重武夫

李羣玉

獨酌懷友

西風靜夜吹蓮塘芙蓉破紅金粉香摘花把酒弄秋芳
吳雲楚水愁茫茫美人此夕不入夢獨宿高樓明月涼

寄短書歌

骨肉萍蓬各天末
十度附書九不達
孤臺冷眠無來人
楚水秦天莽空濶
翔鴈橫秋過洞庭
西風吹日浪崢嶸
三年音信凝顰外
一曲哀歌白髮生

裴說

寄邊衣

深閨乍冷開香篋
玉筋微微濕紅頰
一陣霜風殺柳條
濃煙半夜成黃葉
重重白練如霜雪
獨下閒階轉淒切

祇知抱杵擣秋砧不覺高樓已無月時聞塞鴈聲相喚
紗牕只有燈相伴幾展齊紈又懶裁離腸恐逐金刀斷
細想儀形執刀尺回刀剪破澄江色愁捻銀針信手縫
惆悵無人試寬窄時時舉袖勻殘淚紅箋謾有千行字
書中不盡心中事一半殷勤托邊使

黃山谷云此
篇詩句甚麗

張泌

春曉謠

雨微微煙霏霏小庭半折紅薔薇細箏斜倚畫屏曲零

落幾行金鴈飛蕭關夢斷無尋處萬疊春波起南浦
凌亂楊花撲繡簾曉牕時有流鶯語

唐詩品彙卷三十六

欽定四庫全書

唐詩品彙卷三十七

明 高棅 編

七言古詩十三

旁流

以下有姓氏無字里
世次可考者九人

杜顧

故絳行

君不見銅鞮觀數里城壕已蕪漫君不見虎祈宮幾重

臺榭亦微茫介馬兵車全盛時歌童舞女妖艷姿一代
繁華皆共絕九原唯望塚累累

薛竒童

雲中行

雲中小兒吹金管向晚因風一川滿塞北雲高心已悲
城南木落腸堪斷憶昔魏家都此方涼風觀裏朝百王
千門照映山川色雙闕遙連日光舉杯稱壽永相保
日夕歌鐘徹清昊將軍汗馬百戰場天子射獸五原草

寂寞金輿去不歸
陵上黃塵滿路飛
河邊不語傷流水
川上含情歎落暉
此時獨立無所見
日暮寒風吹客衣

張若虛

春江花月夜

春江潮水連海平
海上明月共潮生
滌滌隨波千萬里
何處春江無月明
江流宛轉遶芳甸
月照花林皆似霰
空裏流霜不覺飛
汀上白沙看不見
江天一色無纖塵

皎皎空中孤月輪江畔何人初見月江月何年初照人
人生代代無窮已江月年年望相似不知江月照何人
但見長江送流水白雲一片去悠悠青楓浦上不勝愁
誰家今夜扁舟子何處相思明月樓可憐樓上月裴徊
應照離人粧鏡臺玉戶簾中卷不去擣衣砧上拂還來
此時相望不相聞願逐月華流照君鴻鴈長飛光不度
魚龍潛躍水成文昨夜閒潭夢落花可憐春半不還家
江水流春去欲盡江潭落月復西斜斜月沈沈藏海霧

碣石瀟湘無限路不知乘月幾人歸
落月搖情滿江樹

李章

春遊吟

初春遍芳甸千里藹盈矚
美人摘新英步步翫春綠
所思何處宛在吳江曲
可憐不得共芳菲日暮歸來淚滿衣

張鼎

鄴城引

君不見漢家失統三靈變魏武爭雄六龍戰盪海吞江
制中國迴天運斗應南而隱隱都城紫陌開迢迢分野
黃星現流年不注漳河水明月俄終鄴國宴文章猶入
管絃新帷座空銷狐兔塵可惜望陵歌舞處松風四面
莫愁人

衛萬

吳宮怨

君不見吳王宮閣臨江起不捲珠簾見江水曉氣晴來

雙闕間潮聲夜落千門裏勾踐城中非舊春姑蘇臺下起
黃塵祇今唯有西江月曾照吳王宮裏人

陳閨

宿北樂館

欲眠不眠夜深淺越鳥一聲空山遠庭木蕭蕭落葉時
谿聲雨聲聽不辨谿流潺潺雨習習燈影山光滿牕入
夢裏不知渾是雲曉來但覺衣裳濕

李暇

擬古

郭茂倩樂府作
東飛伯勞歌

秦王龍劒燕后琴珊瑚寶匣鏤雙心誰家女兒抱香枕
開衾滅燭願侍寢瓊牕半上金鏤幃輕羅隱而不障羞
青綺帷中坐相憶紅羅鏡裏見愁色簷花照月鶯對栖
空將可憐暗中啼

莊南傑

黃雀行

穿屋穿牆不知止爭樹爭巢入營死林間公子挾彈弓

一九致斃花叢裏小口黃雛未有知青天不解高高飛
虞人設網當要路白日啾嘲禍萬機

無姓氏一首

桃源行送友人

武陵川徑入幽遐中有雞犬秦人家家傍流水多桃花
桃花兩邊種來久流水一道何時有垂條落蕊暗春風
夾岸芳菲至山口歲歲年年能寂寥林下青苔日為厚
時有仙鳥來銜花曾無世人比攜手可憐不知若為名

君往從之多所更古驛荒橋平路盡崩湍怪石小谿行
相見維舟登覽處紅堤綠岸宛然成多君此去從仙隱
令人晚節悔營營

姓氏疑誤者五人

韋元甫

木蘭歌

木蘭詞一首諸家選本及樂府俱以為不知名蜀文苑英華乃作韋元甫詩恐

非也郭茂倩樂府載木蘭詞有二篇前一篇必

古辭後一篇或如文苑英華云韋元甫之作

按木蘭乃一女子丈夫志節求如木蘭者鮮矣是詩辭義高古殆與其人相當劉後村云木蘭

辭唐人所作也樂府唯此作叙事體有始
有卒雖辭多質俚然有古意嚴滄浪云木

蘭歌最古然朔氣傳金柝寒光照鐵
衣之類已作太白必非漢魏人詩也

唧唧復唧唧

一作促織
何唧唧

木蘭當戶織不聞機杼聲唯聞

女歎息問女何所思問女何所憶女亦無所思女亦無

所憶昨夜見軍帖可汗大點兵軍書十二卷卷卷有爺

名阿爺無大兒木蘭無長兄願為市鞍馬從此替爺征

東市買駿馬西市買鞍韉南市買轡頭北市買長鞭旦

一作
朝字

辭爺娘去暮宿黃河邊不聞爺娘喚女聲但聞黃

河流水鳴濺濺旦辭黃河去暮至

一作宿

燕山頭不聞爺

娘喚女聲但聞燕山胡騎鳴啾啾萬里赴戎機關山度

若飛朔氣傳金柝寒光照鐵衣將軍百戰死壯士十年

歸歸來見天子天子坐明堂策勲十二轉賞賜百千強

可汗問所欲木蘭不用尚書郎

一作欲與木蘭賞不用尚書郎

願馳千

里足

段成式酉陽雜俎云願借明駝千里足

送兒還故鄉爺娘聞女來出

郭相扶將阿妹聞姊來當戶理紅粧小弟聞姊來磨刀

霍霍向猪羊開我東閣門坐我西閣牀脫我戰時袍着

我舊時裳當牕理雲鬢挂鏡貼花黃出門看火伴火伴
始驚惶同行十二年不知木蘭是女郎雄兔脚撲朔雌
兔眼迷離雙一作兩兔傍地走安能辨我是雄雌

又歌

元甫所作疑此

木蘭抱杼嗟借問復為誰欲聞所憾憾感激彊其顏老
父隸兵籍氣力日衰耗豈足萬里行有子復尚少胡沙
沒馬足朔風裂人膚老父舊羸病何以彊自扶木蘭代
父去秣馬備戎行易却紈綺裳洗却鉛粉粧馳馬赴軍

幕慷慨攜干將朝屯雪山下暮宿青海傍夜龍燕支虜
更攜子闐羌將軍得勝歸士卒還故鄉父母見木蘭喜
極成悲傷木蘭能承父母顏却卸巾韉理絲簧昔為烈
士雄今為嬌子容親戚持酒賀父母始知生女與男同
門前舊軍都十年共崎嶇本結弟兄交死戰誓不渝今
者見木蘭言聲雖是顏貌殊驚愕不敢前歎息徒嘻吁
世有臣子心能如木蘭節忠孝兩不渝千古之名焉可滅

李頎

絕纓歌

此下四篇郭茂倩樂府及文苑英華俱作李頎詩按頎本集並無此

楚王宴客章華臺章華美人善歌舞玉顏艷艷空相向

滿堂月色不得語紅燭滅芳酒闌羅衣半醉春夜寒絕

纓解帶一為歡君王赦

一作窮

過不知罪暗中珠翠鳴珊

珊始知愛賢不愛色青蛾買死誰能識果却一軍全社稷

鄭櫻桃歌

石季龍僭天祿擅雄豪美人姓鄭名櫻桃櫻桃美顏香

且澤娥娥侍寢專宮掖後庭卷衣三萬人翠眉清鏡不

得親官軍女騎一千足繁花照耀漳河春織成花映紅
綸巾紅旗掣曳鹵簿新鳴輦走馬接飛鳥銅駝瑟瑟隨
去塵鳳陽重門如意館百尺金梯倚銀漢自言富貴不
可量女為公主男為王赤花雙簾珊瑚牀盤龍斗帳琥
珀光淫昏偽位神所惡滅石者陵終不悟鄴城蒼蒼白
露微世事翻覆黃雲飛

琴歌送別

主人有酒歡今夕請奏鳴琴廣陵客月照城頭烏半飛

霜淒高樹風入衣銅鑪華燭燭增輝初彈綠水後楚妃
一聲已動物皆靜四座無言星欲稀清淮奉使千餘里
敢告雲山從此始

聽安萬善吹觱篥歌

南山截竹為觱篥此樂本是龜茲出流傳漢地曲轉
奇涼州胡人為我吹傍隣聞者多嘆息遠客思鄉皆淚
垂世人解聽不解賞長聽風中自來往枯桑老柏寒颼
颼九雛鳴鳳亂啾啾龍吟虎嘯一時發萬籟百泉相與

秋忽然更作漁陽慘黃雲蕭條白日暗變調如聞楊柳
春上林繁花照眼新歲夜高堂列明燭美酒一盃聲一
曲

韋應物

白沙亭逢吳叟歌

此下三篇文苑英華俱作韋詩按蘇州集並無

龍池宮裏上皇時羅衫寶帶香風吹滿朝豪士今已盡
欲話舊遊人不知白沙亭上逢吳叟愛客脫衣且沽酒
問之執戟亦先朝零落艱難却負樵親觀文物蒙雨露

見我昔年侍丹霄冬狩春祠無一事歡遊洽讌多頒賜
嘗陪夕月竹宮齋每返溫泉灞陵醉星歲再周十二辰
爾來不語今為君盛時忽去良可恨一身坎壈何足云

寇季膺古刀歌

古刀寒鋒青槭槭少年結交平陵客求之時代不可知
千痕萬穴如星離重疊泥沙更剝落縱橫鱗甲相參差
古物有靈知所適貂裘拂之橫廣席陰森白日掩雲虹
錯落池光動金碧知君寶此誇絕代求之不得心常愛

厭見今時繞指柔片鋒折刃猶堪珮高山成谷滄海填
英豪埋沒誰所捐吳鉤斷馬不知處幾度煙塵今獨全
夜光投人人不畏知君獨識精靈器酬恩結思心自知
死生好惡不相棄白虎司秋金氣清高天寥落雲崢嶸
月肅風淒古堂淨精芒切切如有聲何不跨蓬萊斬長
鯨世人所好殊遼濶千金買鉛徒一割

鼇頭山神女歌

鼇頭之山直上洞庭連青天蒼蒼煙樹閉古廟中有蛾

睂成水仙水府沈沈行路絕蛟龍出沒無時節魂同魍
魎潛太陰身與空山長不滅東晉永和今幾代雲髮素
顏猶盼睎陰深靈氣靜凝美的爍龍綃雜瓊珮山精木
魅不敢親昏明想像如有人蕙閨瓊芳積烟露碧牕松
月無冬春舟客經過真椒醕巫女南音歌激楚碧水冥
空唯鳥飛長天何處雲隨雨紅巢綠蘋芳意多玉靈蕩
漾凌青波孤峰絕島儼相向鬼嘯猿鳴垂女蘿皓雪瓊
林殊異色北方絕代徒傾國雲沒烟銷不可期明堂翡

翠無人得精靈變態狀無方遊龍宛轉驚鴻翔湘妃獨立九疑暮漢女菱歌春日長始知仙事無不有可惜吳宮空白首

戎昱

苦寒行

郭茂倩樂府作戎昱
接昱本集無此詩

且莫奏短歌聽余苦辛詞如今刀筆下不及屠沽兒少年無事學詩賦豈意文章復相誤東西南北少知音終年竟歲悲行路仰面訴天天不聞低頭告地地不言天

地生我尚如此陌上他人何足論誰謂西江深涉之固
無憂誰謂南山高可以登之遊險巇唯有世間路一嚮
令人堪白頭貴人立意不可測等閒桃李成荊棘風塵
之士深可親心如雞犬能依人悲來却憶漢天子不棄
相如家舊貧勸君且飲酒酒能散羈愁誰家有酒拚一
醉萬事從他江水流

羅隱

江南行

詩記作羅隱按
本集無此詩

江煙濕雨鮫綃軟漠漠遠山眉黛淺水國多愁又有情
夜槽厭酒銀船滿細柳搖煙凝曉空吳王臺榭春夢中
鴛鴦灘鴻喚不起平浦綠水眠東風西陵路遠月悄悄
油壁車輕蘇小小

衲子四人

皎然

姑蘇臺

古臺不見秋草淒却憶吳王金盛時千年月照秋草上

吳王在時幾迴望至今月出君不還世人空對姑蘇山
山中精靈安可覩轍跡人蹤麋鹿聚嬋娟西子傾國容
化作寒陵一堆土

望秋月

家家望秋月不及秋山望山心萬境長寂寥夜夜孤明
我山上海人皆云生海東山人自謂出山中憂虞歡樂
皆占月月本無心同不同自從有月山不改古人望盡
今人在不知萬世今夜時孤月將誰更相待

短歌

古人若不死吾亦何所悲蕭蕭煙雨九原上白楊青松
墓者誰貴賤同一塵死生同一指人生萬代共如此何
異浮雲與流水短歌行短歌無窮日已傾鄴宮梁苑徒
有名春草秋風傷我情何為不學金仙侶一悟空王無
死生

支公詩

支公養馬復養鶴率性無機多脫畧天生支公與凡異

凡情不到支公地
得道由來天上仙
為僧却下人間寺
道家諸子論自然
此公唯許逍遙篇
山陰詩友誼四座
佳句縱橫不廢禪

觀王右丞維滄洲圖歌

滄洲誤是真萋萋
忽盈視便有春渚情
褰裳掇芳芷
颯然風至草不動
始悟丹青得如此
丹青變化不可尋
翻空作有移人心
猶疑雨色斜拂座
乍似水涼來入襟
滄洲說近三湘口
誰知卷得在君手
披圖擁褐臨水時
居

然不異滄浪叟

送顧處士

吳興岳司議之
女婿即況也

吳門顧子予早聞風貌真古誰似君人中黃憲與顏子
物表孤高將片雲性背時人高且逸平生好古無儔匹
醉書在篋稱絕倫神畫開厨怕飛出謝氏檀郎亦可儔
道情還似我家流安貧用晦讀書坐不見將名干五侯
知君別業長洲外欲行秋田脩畝澹門前便使轂轂乘
腰上還將轆轤佩禪子有情非世情御苑貢餘聊贈行

滿道喧喧遇君別爭窺玉潤與冰清

隱巖

蜀中送人遊廬山

君行正值芳春月蜀道千山皆秀發
谿邊十里五里花雲外三峰兩峰雪
君上匡山我舊居松蘿拋擲十年餘
君行試到山前問山鳥只今相憶無

貫休

行路難

君不見道傍廢井生古木本是驕奢貴人屋幾度美人
照影來素綆銀瓶濯纈玉雲飛雨散今如此繡闥雕甍
作芳谷鼎沸笙歌君莫誇不應長是西家哭休說遺編
行者幾至竟終須合天理敗他成此亦何功蘇張終作
多言鬼行路難路難不在羊腸裏

寶月

行路難

君不見孤鴈闕外發酸嘶度楊越空城客子心腸斷幽

閨思婦氣欲絕凝霜夜下拂羅衣浮雲中斷開明月夜
夜遙遙徒相思年年望望情不歇取我匣中青銅鏡情
人為君除白髮行路難行路難夜間西城漢使度使我
流淚憶長安

女冠一人

李冶

高仲武云士有百行女唯四德李蘭則不然形
氣既雄詩意亦蕩自鮑照以下罕有其倫者

賦得三峽流泉歌

妾家本住巫山雲巫山流泉常自聞玉琴奏出轉寥曼
宜似當時夢中聽巫峽迢迢幾千里一時流入幽閨裏
巨石崩崖指下生飛波走浪絃中起初疑嗔怒含雷風
又似嗚咽流不通回湍曲瀨勢將盡時復滴瀝平沙中
憶昔阮公為此曲能令仲容聽不足一彈既罷還一彈
願比流泉鎮相續

閨秀八人

張夫人

古意

輓轡曉轉素絲綆桐聲夜落蒼苔磚涓涓吹溜若時雨
濯濯嘉蔬非用天丈人不解此中意抱甕當時徒自賢

拜新月

拜新月拜月幽堂前暗魄深籠桂虛弓未引弦拜新月
拜月粧樓上鸞鏡未安臺蛾眉已相向拜新月拜月不
勝情庭前風露清月臨人自老望月更長生東家阿母
亦拜月一拜一悲聲斷絕昔年拜月逞容儀如今拜月

雙淚垂回看衆女拜新月却憶閨中年少時

杜羔妻

雜言寄杜羔

君從淮海遊再過蘭杜秋歸來未須臾又欲向梁州
梁州秦嶺西棧道與雲齊羌蠻萬餘落矛戟自高低
已念寡儔侶復慮勞攀躋丈夫重志氣兒女空悲啼
臨邛滯遊地肯顧濁水泥人生賦命有厚薄君但遨
遊我寂寞

郎大家

擬古神女宛轉歌

英華作崔徽詩二首

風已清月朗琴復鳴掩抑悲前態殷勤是一聲
歌宛轉宛轉和且長願為雙黃鵠比翼共翱翔
日已暮長簷鳥聲度望君君不來思君君不顧
歌宛轉宛轉那能異栖宿願為形與影出入恒
相逐

鮑君徽

惜春花

欽定四庫全書

唐詩品彙
卷三十七

十八

枝上花花下人可憐
顏色俱青春
昨日看花花灼灼
今日看花花欲落
不如盡此花下歡
莫待春風總吹却
鶯歌蝶舞媚韶光
紅爐煮茗松花香
粧成吟態恣遊樂
獨把芳枝歸洞房

程長文

銅雀臺怨

君王去後行人絕
簫笙不響歌喉咽
雄劍無威光彩沈
寶琴零落金星滅
玉階寂寞墜秋露
月照當時歌舞處

當時歌舞人不迴化為今日西陵灰

張瑛

銅雀臺

英華作
張瑛詩

君王冥漠不可見銅雀歌舞空徘徊西陵嘖嘖悲宿鳥
高殿沈沈閉青苔青苔無人跡紅粉空相哀

劉雲

有所思

朝亦有所思暮亦有所思登樓望君處藹藹蕭關道掩

淚向浮雲誰知妾懷抱玉井蒼苔春院深桐花落盡無人掃

婕妤怨

君恩不可見妾豈如秋扇秋扇尚有時妾身永微賤莫言朝花不復落嬌容幾奪昭陽殿

劉琚

一作瑶

古意曲

梧桐階下月團團洞房如水秋夜闌吳刀剪破機頭錦

茱萸花墜相思枕綠牕寂寞背燈時暗數寒更不成寢

暗別離

槐花結子桐葉焦單飛越鳥啼青霄翠軒轅雲輕遙遙
顰脂淚迸紅線條瑤草歇芳心耿耿玉佩無聲畫屏冷
朱絃暗斷不見人風動花枝月中影青鸞脉脉西飛去
海濶天高不知處

歌行長篇

駱賓王

帝京篇

山河千里國城闕九重門不覩皇居壯安知天子尊皇
居帝里峻函谷鷄野龍山侯甸服五緯連影集星躔
八水分流橫地軸秦塞重關一百二漢家離宮三十六
桂殿陰岑對玉樓椒房窈窕連金屋三條九陌麗城隈
萬戶千門平旦開複道斜通鳩鵲觀交衢直指鳳凰臺
劍履南宮入簪纓北闕來聲名冠寰宇文物象昭回鈞
陳肅蘭妃壁沼浮槐市銅羽應風迴金莖承露起校文

天祿閣習戰昆明水朱邸抗平臺黃扉通戚里平臺戚
里帶崇墉炊金饌玉待鳴鐘小堂綺帳三千戶大道青
樓十二重寶蓋雕鞍金絡馬蘭盤繡柱玉盤龍繡柱璇
題粉壁映鏘金鳴玉王侯盛王侯貴人多近臣朝遊北
里暮南鄰陸賈分金將燕喜陳遵投轄正留賓趙李經
過密蕭朱交結親丹鳳朱城白日暮青牛紺幘紅塵度
俠客珠彈垂楊道娼婦銀鈎採桑路娼家桃李自芳菲
京華遊俠事輕肥延年女弟雙鳳入羅敷使君千騎歸

欽定四庫全書

唐詩品彙
卷三十七

三十一

同心結縷帶連理織成衣春朝桂尊尊百味秋夜蘭燈
燈九微翠幌珠簾不獨映清歌寶瑟自相依且論三萬
六千是寧知四十九年非古來名利若浮雲人生倚伏
信難分始見田竇相移奪俄聞衛霍有功勲未厭金陵
氣先開石槨文朱門無復張公子灞亭誰畏李將軍相
顧百齡皆有待居然萬化咸應改桂枝芳氣已銷亡栢
梁高宴今何在春去春來若自馳爭名爭利徒爾為久
留卽署終難遇空鎖相門誰見知當時一旦擅豪華自

言千載長驕奢倏忽搏風生羽翼須臾失浪委泥沙黃
雀徒巢桂青門遂種瓜黃金銷鑠素絲變一貴一賤交
情見紅顏宿昔白頭新脫粟布衣輕故人故人有湮淪
新知無意氣灰死韓安國羅傷翟廷尉已矣哉歸去來
馬卿辭蜀多文藻揚雄仕漢乏良媒三冬自矜誠足用
十年不調幾遭迴汲黯薪逾積孫弘閣未開誰識長沙
傅獨負洛陽才

元稹

欽定四庫全書

唐詩品彙
卷三十七

三

連昌宮辭

唐書云穆宗在東宮有妃嬪誦元稹歌詩以為樂曲者知是稹所為宮中

呼為元才子荆南監軍崔峻歸朝出連昌宮辭一篇奏御穆宗大悅即日拜祠部郎中知制誥遷翰林學士曾南豐云津陽門詩長恨歌連宮詞俱載開元間事微之之詞不獨富麗至長官清平太守好揀選皆言由至公委任貴成治之所興也祿山宮中養作兒號國門前開如市險誠私謁無所不至安得不亂耶稹之叙事遠過二子

連昌宮中滿宮竹歲久無人森似束又有墻頭千葉桃風動落花紅簌簌宮邊老人為余泣小年選進因曾入上皇正在望仙樓太真同凭闌干立樓上樓前盡珠翠

炫轉熒煌照天地歸來如夢復如癡何暇備言宮裏事
初過寒食一百六店舍無煙宮樹綠夜半月高絃索鳴
賀老琵琶擅場屋力士傳呼覓念奴念奴潛伴諸郎宿
須臾覓得又連催特勅街中許然燭春嬌滿眼睡紅綃
掠削雲鬟旋粧束飛上九天歌一聲二十五郎吹管逐
逡巡大徧梁州徹色色龜茲轟陸續李暮壓笛傍宮牆
偷得新歡數般曲平明大駕發行宮萬人鼓舞途路中

百官隊仗避岐薛楊氏諱嬖車闔屋明年十月東都破

欽定四庫全書

唐詩品彙
卷三十七

三十三

御路猶存祿山過驅令供頓不敢藏萬姓無聲淚潛墮
兩宮定後六七年却尋家舍行宮前莊園燒盡有枯井
行宮門闔樹宛然爾後相傳六皇帝不到離宮門久閉
往來年少說長安玄武樓成花萼廢去年勅賜因砍竹
偶值門開暫相逐荊榛櫛比廢池塘狐兔嬌癡綠樹木
舞榭歌傾臺尚存文牕窈窕紗猶綠塵埋粉壁舊花鈿
鳥啄風箏碎珠玉上皇偏愛臨砌花依然御榻臨堦斜
蛇出燕巢盤鬪棋茵生香案正當衙寢殿相連端正樓

太真梳洗樓上頭晨光未出簾影動至今反挂珊瑚鉤指
示傍人因慟哭却立宮門淚相續自從此後還閉門夜
夜狐狸上門屋我聞此語心骨悲太平誰致亂者誰翁
言野父何分別耳聞目見為君說姚崇宋璟作相公勸
諫上皇言語切變理陰陽禾黍豐調和中外無兵戎長
官清貧太守好揀選皆言由至公開元之末姚宋死朝
廷漸漸由妃子祿山宮中養作兒號國門前鬧如市弄

權宰樞不記名依科記得楊與李廐謫真倒四海搖五

欽定四庫全書

唐詩品彙
卷三十五

二十四

十年來作瘡痍今皇神聖丞相明詔書纔下吳蜀平官
軍又取淮南賊此賊亦除天下寧年年耕種宮前道今
年不遣子孫耕老翁此意深望幸努力廟謨休用兵

白居易

琵琶行

并序

元和十年余左遷九江郡司馬明年秋送客湓浦
口聞舟船中夜彈琵琶者聽其音錚錚然有京都
聲問其人本長安娼女嘗學琵琶於穆曹二善才

年長色衰委身為賈人婦遂命酒使快彈數曲曲
罷憫然自叙少小時歡樂事今漂淪憔悴轉徙于
江湖間予出官二年怙然自安感斯人言是夕始
覺有遷謫意自為長句歌以贈之凡六百二十二
言命曰琵琶行其抑揚頓挫流離沈鬱之態雖千
載之下宛然琵琶哀怨之聲也

潯陽江頭夜送客楓葉蘆花秋瑟瑟主人下馬客上船
舉酒欲飲無管絃醉不成歡慘將別別時茫茫江浸月

忽聞水上琵琶聲
主人忘歸客不發
尋聲暗問彈者誰
琵琶聲沈欲語遲
移船相近邀相見
添酒攜燈重開宴
千呼萬喚始出來
猶抱琵琶半遮面
轉軸撥絃三兩聲
未成曲調先有情
絃掩抑聲聲思似訴
平生不得志
低眉信手續續彈
說盡心中無限事
輕籠慢撫撥復挑
初為霓裳後六么
大絃嘈嘈如急雨
小絃切切如私語
嘈嘈切切錯雜彈
大珠小珠落玉盤
間關鶯語花底滑
幽咽泉流水下灘
水泉玲澁絃凝絕
凝絕不通聲暫歇

別有憂愁暗恨生此時無聲勝有聲銀瓶乍破水漿迸
鍔騎突出刀鎗鳴曲終抽撥當心畫四絃一聲如裂帛
東船西舫悄無言惟有江心秋月白沈吟抽撥揅絃中
整頓衣裳起斂容自言本是京城女家在蝦蟆陵下住
十三學得琵琶成名屬教坊第一部曲罷常教善才服
粧成每被秋娘妬五陵年少爭纏頭一曲紅綃不知數
鈿頭銀篦擊節碎血色羅裙翻酒污今年歡笑復明年
秋月春風等閒度弟走從軍阿姨死暮去朝來顏色故

門前冷落鞍馬稀，老大嫁作商人婦。商人重利輕別離，
前月浮梁買茶去，去來江口守空船。繞船明月江水寒，
夜深忽夢少年事，夢啼妝淚紅闌干。我聞琵琶已歎息，
又聞此語重唧唧。同是天涯淪落人，相逢何必曾相識。
我曾去年辭帝京，謫居臥病潯陽城。潯陽地僻無音樂，
終歲不聞絲竹聲。住近湓池地底濕，黃蘆苦竹遶宅生。
其間旦暮聞何物？杜鵑啼血猿哀鳴。豈無山歌與村笛，
嘔啞嘲哢難為聽。今夜聞君琵琶語，如聽仙樂耳暫明。

莫辭更坐彈一曲為君翻作琵琶行感我此言良久立

却坐促絃轉急淒淒不似向前聲滿座聞之皆掩泣

就中泣下誰最多江州司馬青衫濕

宋和本傳贊曰居易在元和長慶時

與元稹俱有名最長于詩它文未能稱是也多至數千篇唐以來所未有其自叙言關美刺者謂之諷諭詠性情者謂之閒適觸事而發謂之感傷其他雜律又議世人所愛惟雜律詩彼所重我所輕至諷諭意激而言質閒適思淡而辭迂以質合迂宜人之不愛也今視其文信然而杜牧謂纖豔不逞非壯士雅人所為流傳人間子父女母交口教授淫言媒語入人肌膚不可去蓋教所失不得不云

唐詩品彙卷三十七

欽定四庫全書

唐詩品彙卷三十八

明 高棅 編

五言絕句一

正始

玄宗皇帝

潼關口

河曲回千里關門限二京所嗟非恃德設險到天平

賀知章

題袁氏別業

主人不相識偶坐為林泉
莫謾愁沽酒囊中自有錢

楊重玄

正朝上左丞相張燕公

歲去愁終在春還命不來
長吁問丞相東閣幾時開

許敬宗

江令於長安歸揚州九日賦

心逐南雲逝身隨北鴈來故鄉籬下菊今日幾花開

虞世南

蟬

垂綏飲清露流響出疎桐居高聲自遠非是藉秋風

王績

過酒家二首

洛陽無大宅長安乏主人黃金銷未盡祇為酒家貧

此日長昏飲非關養性靈眼看人盡醉何忍獨為醒

李義府

詠鳥

唐書云義府初召見太宗令詠鳥詩成帝覽笑曰我當全林惜汝

日裏颺朝綵琴中伴夜啼上林多少樹不借一枝栖

賦美人

鏤月成歌扇裁雲作舞衣自憐回雪影好取洛川歸

楊師道

中書寓直詠雨

按文苑英華有全篇此特其首四句誤入絕句

雲暗蒼龍闕沈沈殊未開
牕臨鳳凰沼颯颯雨聲來

僧皎

然云
靜也

王勃

江亭月夜送別二首

江送巴南水，山橫塞北雲。
津亭秋夜月，誰見泣離羣。
亂煙籠碧砌，飛月向南端。
寂寂離亭掩，江山此夜寒。

臨江二首

汎汎東流水，飛飛北上塵。
歸驂將別棹，俱是倦遊人。
去驂嘶別路，歸棹隱寒洲。
江臯木葉下，應想故城秋。

山中

長江悲已滯萬里念將歸
况屬高風晚山山黃葉飛

贈李十四

亂竹開三徑飛花滿四鄰
從來揚子宅別有尚玄人

始平曉息

觀闕長安近江山蜀路賒
客行朝復夕無處是鄉家

普安建陰題壁

江漢深無極梁岷不可攀
山川雲霧裏遊子幾時還

他鄉叙興

綴葉歸煙晚，乘花落照春。
邊城琴酒處，俱是越鄉人。

寒夜思友二首

雲間征思斷，月下歸愁切。
鴻鴈西南飛，如何故人別。
朝朝翠山下，夜夜蒼江曲。
復此遙相思，清尊湛芳綠。

楊炯

夜送趙縱

趙氏連城壁，由來天下傳。
送君還舊府，明月滿前川。

卷三十八
盧照鄰

登玉清

絕頂橫臨日孤峰半向天
裴徊拜真老萬里見風煙

曲池荷

浮香繞曲岸圓影覆華池
常恐秋風早飄零君不知

浴浪鳥

獨舞依盤石羣飛動輕浪
奮迅碧沙前長懷白雲上

駱賓王

在軍登城樓

城上風威冷江中水氣寒戎衣何日定歌舞入長安

易水送別

此地別燕丹壯士髮衝冠昔時人已沒今日水猶寒

送別

寒更承夜永涼夕向秋澄離心何以贈自有玉壺冰

玩初月

忌滿光恒缺乘昏影暫流自能明似鏡何用曲如鉤

陳子昂

古意

題著作
令壁

白雲蒼梧來氛氲萬里色聞君太平代栖泊靈臺側

贈喬侍御

漢庭榮巧宦雲閣薄邊功可憐驄馬使白首為誰雄

沈佺期

獄中燕

本集作同獄者嘆獄
中無燕乃五言律詩

拾遺嫌叢棘街泥怯死灰不如黃雀語能雪治長猜

宋之問

早發韶州

按本集乃
五言排律

綠樹秦京道青雲洛水橋故園長在目魂去不須招

僧皎

然云
思也

別杜審言

按本集乃
五言律詩

臥病人事絕嗟君萬里行河橋不相送江樹遠含情

渡漢江

嶺外音書斷經冬復歷春近鄉情更怯不敢問來人

東方虬

昭君怨二首

漢道方全盛朝廷足武臣何須薄命妾辛苦事和親
掩淚辭丹鳳銜悲向白龍單于浪驚喜無復舊時容

王適

江濱梅

忽見寒梅樹開花漢水濱不知春色早疑是弄珠人

韋承慶

南行別弟二首

第二首文苑英華
作南中詠雁詩

澹澹長江水悠悠遠客情
落花相與恨到地一無聲
萬里人南去三春鴈北飛
不知何歲月得與爾同歸

江樓

獨酌芳春酒登樓已半曛
誰驚一行鴈衝斷過江雲

李嶠

中秋月二首

盈缺青冥外東風萬古吹
何人種丹桂不長出輪枝

其二

圓魄上寒空，皆言四海同。
安知千里外，不有雨兼風。

郭振

子夜春歌二首

陌頭楊柳枝，已被春風吹。
妾心正斷絕，君懷那得知。
青樓今日光，綠池起風色。
贈子同心花，殷勤此何極。

薛稷

秋朝覽鏡

客心驚落木夜坐聽秋風朝日看容鬢生涯在鏡中

鄭愔

詠黃鶯兒

欲轉聲猶澁將飛羽未調高風不借便何處得遷喬

盧僊

題殿前桂葉

桂樹生南海芳香隔遠山今朝天上見疑是月中攀

南樓望

去國三巴遠登樓萬里春傷心江上客不是故鄉人

途中口號

英華作
郭向詩

抱玉三朝楚懷書十上秦年年洛陽陌花鳥弄歸人

武平一

奉和元日賜羣臣栢葉

綠葉迎春綠寒枝歷歲寒願持栢葉壽長奉萬年歡

崔湜

喜入長安

雲日能催曉風光不借年
賴逢征路盡歸在落花前

蘇題

山鷓鴣詞二首

玉關征戍久空閨
人獨愁寒露濕青苔
別來蓬鬢秋人坐青樓
晚鶯語百花時
愁多人自老腸斷君不知

汾上驚秋

北風吹白雲萬里渡河汾
心緒逢搖落秋聲不可聞

張說

蜀道後期

客心爭日月來往預期程秋風不相待先至洛陽城

廣州江中作

去國年方晏愁心獨不堪離人共江水終日向西南

守歲

故歲今宵盡新年明旦來愁心隨斗柄東北望春回

張九齡

自君之出矣

自君之出矣不復理殘機思君如滿月夜夜減清輝

照鏡見白髮

宿昔青雲志蹉跎白髮年誰知明鏡裏形影自相憐

奉和聖製經函關作

函谷雖云險黃河復已清聖心無所隔空此置關城

答靳博士

上苑春先入中園花盡開唯餘幽徑草尚待日光催

孫逖

同洛陽李少府觀永樂公主入蕃

邊地鶯花少年來未覺新
美人天上落龍塞始應春

